

四庫全書

史部

欽定四庫全書

史部
湖廣通志卷七

詳校官監察御史臣陳化龍

檢討臣德生覆勘

總校官知縣臣繆琪

校對官編修臣勵守謙

謄錄監生臣謝承蔭

欽定四庫全書

湖廣通志卷七

山川志

記稱五嶽視三公四瀆視諸侯楚之衡山長江各
居其一其山川靈秀甲於天下者又不止鄴道元
柳宗元之所紀也哉

國家德洽懷柔禮加殷祀百神咸秩瑞應駢臻南征而
洞庭之鯨波頓息勦郢而蓼嶺之金鳳齊鳴此豈人

力所能致哉仰惟

聖德懋勤

皇圖孔固

上天之眷佑至深嶽瀆之感通有自也

武昌府

江夏縣

高觀山城內東南黃鵠山左東有鳳凰窩西有烏龍
池有清風明月二井為邑之望

臘脂山山脊皆石色赤如脂

崇府山俱城內東南

梅亭山高觀山南三里中和門子城下山頂有明太祖分封御製碑文

蕭山城南晉蕭丹隱居處南城借以為塹下有蕭山磯石壁巉巖猶有古舟師篙跡

黃鵠山城內西南俗呼蛇山一名黃鶴昔仙人子安騎黃鶴憩此志云黃鵠山蛇行而西吸於江其首隆

然黃鶴樓枕焉下有黃鵠磯石照亭在樓之西臨崖
有石如鏡西日照之炯然發光

鳳凰山城北貢院坐山郡國志吳黃龍初鳳凰見因
名唐岑參詩路指鳳凰山外雲即此

洪山縣東十里一曰東山山下有寶通寺邑之巨觀
山石曰堆雲曰翠屏曰獅子峯古有洪山賦鐫山石
榛莽間明楊士奇有記

烽火山縣東四十里梁將侯瑱逼江夏伐齊屯兵於

山舉烽火相應因名

豐禾山縣東六十里土人報賽處

九峯山環抱如城郭列峯九松柏蒼蔚最爲幽勝九峯曰獅子曰鉢盂曰寶蓋曰沙碧曰石門曰陽邏曰馬驛曰竹管曰黃檗獅子峯下有高僧無念塔

靈泉山上有泉旱禱頗應下爲楚昭王及諸王墓峽山其山重疊因名俱縣東六十里

岷梁山縣南五十里臨湯孫湖

八分山縣南五十里有水分流如八字旁有八分湖
建康錄武昌有山無林政可圖始不可居終山分八
字數不及九即此有石洞名白雲洞逶迤半里始透
天光相傳舊有龍短尾唐貞觀時禱雨輒應歷封嘉
澤侯顯應侯靈惠侯元時郡守李貞以旱步禱祠前
見蟹浮出潭中黑雲陡起雷雨大作為建八分山泉
新亭今土人以龍隱見占年

大觀山縣南五十里千巖競秀萬壑爭流其土赤色

如金又名金華山

錦繡山縣南七十里山多桃李每春時爛如錦繡

大覺山縣南八十里又名鴿子山邑諸山之祖係省城來脉

夜泊山縣西南四十里元守將陳額森屯兵於此通紀爲夜婆山

驚磯山縣西南七十里俯臨大江下有石磯波濤迅激商旅驚駭故名

青山縣北三十里尾亘長湖首枕大江山下有磯宋季僑置黃陂縣治於此

紫荊山縣東北三里明太祖曾駐師於此勒石山頂禁營葬樵採西北石壁有呂仙跡

石子岡去紫荊山一里相傳古縣治建此

呂公洞黃鵠磯上初無洞穴但石跡隱然如門叩之有聲陸游南樓記與章冠之游仙洞石壁數尺皆直裂無洞穴之狀舊傳有仙人隱其中今鄂人謂之呂

公洞

費禕洞黃鵠山後舊經費文禕昇仙處李宗孟詩空
遺費仙跡不見庾公遊草木有新色江山餘故愁

大江自嘉魚入境會沔漢二水至白湖入武昌縣經
大冶興國境凡六百餘里

東湖縣東四里滋陽橋北

墩子湖一名南湖在高觀山之陽內有墩隨水消長
夏以荷勝可資遊賞明賀文忠殉節處

明月湖縣南三里文昌門內火星堂前有橋曰明月橋

賽湖縣東三里

梁子湖縣東八十里通興國大冶武昌凡岔九十有九湖中山五十有奇稱最者曰梁子山三山洞山月山南練山黃陂山水深魚美林巒隱蔚為一郡之勝湯孫湖縣東南十五里

郭鄭湖縣東南四十里

南湖望山門外

魯湖縣南八十里

斧頭湖縣南百二十里

白楊湖縣北十里一曰北湖口北通大江

余家湖縣東北五里

塗水縣南九十里在塗口一名金口晉汝南郡建此
至今商賈輻輳人烟鱗集稱上游重鎮

黃鵠磯黃鵠山麓一名汝南磯荊州圖經夏口城西

南因磯爲墉枕江流而峙激浪噴震舟人恒危之昔
侯景沉鮑泉於此前有弱水一規每風濤怙息時試
以木屑羽毛無不沉者水經注黃鵠磯在鸚鵡洲之
下尾

張公洲縣南二十五里晉隱士張公灌園處

金沙洲縣西南明時百貨雲集商賈輳泊今移漢口
鸚鵡洲城西大江中黃祖殺禰衡處嘗作鸚鵡賦故
遇害之地得名上有禰處士墓按陸游入蜀記洲上

有茂林神祠遠望如小山則宋時洲形頗高後雖淪沒每秋冬水落猶有洲形今不可復識矣

新沙洲與鸚鵡洲對明永樂十年楚府立水母祠以鎮之

夏口荆江中正對沔口左傳吳伐楚楚沈尹戌奔命於夏汭杜注漢水入口今夏口也晉志武昌沙羨縣有夏口對沔口水經注對黃鵠岸入沔津一名夏首東漢謂之夏口成本在江北孫權以對岸為夏口而

江北之名始晦又云魯口即夏口正對魯山

蕎麥灣城南五里每江漲成淵里人以為患謀棄地徙居他所故大司馬熊廷弼爲建子隄護之時蕎麥正盛因以名灣

鳳凰池縣東舊名義方

南浦縣南三里離騷送美人兮南浦即此

天鵝池武當宮內

放生池城內宋淳熙間郡守王齊疏請立

卓刀泉縣東十五里世傳關忠義行軍卓刀得泉明
楚昭王蒐而飲之味甚甘冽爲甃石覆以亭亭前有
拜將臺

飛錫泉在八分山貞觀時頭陀師卓錫成泉因建道
場久旱不涸

鹿跑泉縣南五十里大觀山上禱雨有應

蘆花泉在鸚鵡鄉東湖驛左

桃花泉在縣南七十里石灰山口

銅盤井縣東昔有銅盤蓋底日汲不竭

蜘蛛井鐵佛寺內唐時有紅白二蜘蛛化妖婦媚人
故鑄鐵佛鎮之

沒福井布政司左明正德間左布政周李鳳濬劉績
有記

義井長街右

明井鍋蓋營明諸生明睿闔門殉節處

浪花井洪山小塔寺下名曰無影塔水嘗沸湧如浪

其脉通江

八分井縣東南四十里

武昌縣

虎頭山縣東三里舊名鳳闕吳黃龍元年鳳集於此
仙堂山縣東十五里相傳有仙人修煉於此彩雲繚
繞白晝飛昇遺有堂基山頂有菴

蓮花山縣南五里山若蓮花浮水故名

銅榮山縣南一百二十里

三角山巍然數峯秀出天表

白雲山在縣南一百三十里

武昌山在縣南搜神後記晉時宣城秦精入山採茗
遇一毛人長丈餘引至山曲示以叢茗臨別探懷中
橘遺之精怖負茗而歸括地志山以縣名武昌其一
也

虬山山陰有龍穴續搜神記居民每見神虬飛翔出
入旱禱即雨後人築塘其下名曰虬塘

靈溪山在縣南百五十里高四十丈周五十里南有靈溪觀今廢止有靈溪寺

清溪山縣南百九十里高八十丈周四十里涌溪源石門山廣輿記山石對峙如門唐武昌令馬珣與元結同遊石刻尚存宋郭祥正有詩

西山在縣西三里宋蘓轍九曲亭記山有精舍西曰西山是也蘇軾居黃州與武昌令鄧璧會此玉堂話舊詩憶從樊口載春酒步上西山尋野梅

樊山縣西五里舊名袁山一名樊岡一名壽昌山產
銀銅鐵紫石高九十丈周二十里水經注孫權治袁
山即此下有寒溪中有蟠龍石蘓軾詩武昌樊口幽
絕處東坡先生留五年春風搖江天漠漠暮雲捲雨
山娟娟

郎亭山樊山西路出退谷下有窰樽石唐元結修以
盛酒

萬松嶺即九曲嶺在樊山臨江萬松夾路因名上有

九曲亭蘇軾兄弟遊息之處建炎後邑人伐爲棟宇
遂荒

礪嶺縣南百四十里

南岡南湖側晉書王敦病使郭璞筮璞曰壽不久敦
怒曰卿壽幾何曰命在今日敦遂收璞璞曰吾必死
雙栢下果然即此地

挂榜巖縣南百三十里宋永國公孟宗政墓前面山
白石峻削如挂榜然

龍蟠石縣東北一里江中太平御覽世傳龍蟠於此
五丈湖縣東舊名南湖晉太康地記武昌南湖通江
夏冬則水涸靡所產植陶太尉侃立塘以遏水常自
不竭取瑯琊郡隔湖菱魚以著湖菱甚甘美所產鮓
魚長三尺

車湖縣東二十里晉車應所居宋王文輔亦居此蘇
軾寓黃時嘗與往來欲買宅老焉會量移不果

西窪湖縣東五十里

杯湖樊山郎亭下唐令孟仕元居此

浮石湖縣南百二十里湖内有石周二十步水漲不

沒

馬飲漿湖縣西南百里

烏翎湖縣西南百五十里

磧磯湖縣西五十里

蜉舟湖縣西九十里

炭門湖縣西七十里

五磯縣東庾仲雍江水記作五圻水經注江水東得五丈口又東得沙浦經五磯

安樂磯縣東三十里孫權使子登出師次於安樂全琮諫止之即此

黃子磯縣西三江口下世傳黃巢置砦於此亦險要地

白鹿磯神人山下

敗船磯又名敗舶灣樊山下江表傳孫權新製大船

名爲長安汎之釣臺下汴流而行時風甚猛谷利云
當取樊口權曰當取邏洲利拔劍白舵工曰不取樊
口者斬工即轉舵入樊口甫至岸而敗故名

楊葉洲縣東即白田洲陳初周將獨孤盛領水軍趣
巴湘太尉侯瑱自尋陽禦之破盛於此

蘆洲縣西三十里亦名邏洲輿地志伍子胥去楚出
關於江上見漁父求渡漁父歌曰日昭昭兮寢已馳
與子期兮蘆之漪子胥既渡解劍與之曰此值千金

其勿露漁父知其意遂覆舟死

崢嶸洲縣西北江中一日新生洲晉劉毅破桓玄處
半屬黃州

回湫大回在樊口小回在釣臺唐元結有歌

樊口縣西北五里蘇軾謫黃州嘗遊於此時有潘生
者善釀酒軾每至輒飲其家

五丈口洋澗湖水出此吳太子孫登葬於其原

寒溪武昌記樊山東有小溪夏時懷袖恆有寒氣故

謂之寒溪唐元結嘗居此上有寺乃陶侃讀書處臺
基尚存宋張舜民詩傳與寒溪莫惆悵漫郎今已借
舟遊吳處厚亦有詩

散花灘縣西北寒溪之側吳王以赤壁戰勝散花犒
軍處按歐陽修集古錄散花灘疑當時苑囿之別名
牧馬港縣東十里孫權牧馬處其上即吳王故城
長港江套縣西五里

水門港縣西六十里

洗劍池西山松風閣下世傳吳王淬劍於此有石刻
洗劍池三字岸有井甘冽異常

聰明池即今泮池元至正五年創

清思池城東鳳凰臺下多蓮

陷池縣東南百二十里小石嶺旁土崖陡絕故傳何
氏宅嘗得龍卵徑七寸與他物同藏器中物隨充滿
置之金穀亦然後因誤置鹽中龍化而宅陷先有犬
銜麻穗而戲何女逐之其處亦陷淪爲井禱雨多應

寒泉吳王讀書臺下世傳吳王井

滴滴泉西山之陽東晉時書此三字於崖上四時泉
滴不絕

白巖泉縣南百六十里泉石清秀幽致奇絕有馬祖
道場

醴泉井縣堂左令賢則泉出弘治五年知縣聶賢來
任醴泉復出遂淘滌置欄建亭

壽井縣治盆家橋南宋嘉定時縣尉鄒應博置四眼

鐵盤一鐵蓮子形欄四語人曰後當有登高位獲巍科享上壽者

金牛井縣南金牛鎮

嘉魚縣

仙師山縣東五里

白面山山皆白石本名白雲山雨澤大降則雲氣預生

橫山在縣南十里山平如案

梅山山多梅樹故名下有洞

青林山在縣南五十里

秦鐘山縣南潛確類書世傳秦時於此鑄鐘其下爲

太平湖

穿石山縣西南十里

虎帽山縣西南三十里林木蔥蔚近遠望之儼若帽
然

龜湖山縣西南四十里

九壠山龜湖之東九壠廻合

大崖山九域志山高萬仞古洞深窈上有牛眼泉兔兒泉號南嘉第一峯

赤壁山縣西南八十里大江濱西界烏林有諸葛拜風臺古蹟沔陽州圖經漢建安十三年周瑜破曹操於此上有赤壁二字並名人詩賦刻石現存

柘山縣西南百里

金澥山 左徑山俱縣西南

魚嶽山縣西一里水經注在大江中楊子洲南今距江二里許蓋水勢決彼填此而然也山皆石獨西一面峭壁高聳崖洞奇險以其臨江又名江島山

官山縣西八十里

礮礮山縣西北半里上有五嶽廟今廢為社稷壇舊臨江因水衝礮石故名今名鳳凰山

龍潭山縣治北山足有潭淵深不測世傳有龍潛焉宋淳熙間知縣姜偃建文廟於山陽其名始著

仙跡山相傳葛仙飛昇處

浮石山在縣北

百疋山縣北五里山勢綿延東西二十里如百疋練其下臨江即練子口

蜀山縣東北三十里漢昭烈會吳征曹操於此

韓婆嶺縣東五十里

祿嶺縣北三十里

大琛嶺縣東北六十里

大崖縣南三十里

白鷺墩縣東

紫石潭湖縣東二十五里

黃顙湖 謝小船湖 連珠兒湖 破鼓湖 大小

攝湖 茭湖 蘆洲湖 蚌蛤湖 陶陵湖 網湖

謝婆湖 致思湖 明湖 赤城湖 古城湖

岳公湖俱縣東

太平湖縣南三十里方輿勝覽近歲中涸夜有光怪

漁者誌其處而掘之得古鐫鐘秦少游爲弔鐫鐘文
梅海湖其寬如海梅氏世業故名

楊汭湖一水中分爲汭上有楊樹因名

李婆湖夫亡婦守其業故名

石山烏土湖土色黑在石山上游

大小溇湖通大小湖而納諸水

龜湖中有石如龜

江池湖在江島山近江

小蘆湖 蜜泉湖水甘故名俱縣南

大小左湖縣北

西保湖西保里合蒲圻江夏咸寧之民皆有漁業產菱芡歲歉人採以為食

大蘆湖勢濶如大竹蘆

深湖 五重湖 劉婆湖 金網湖 黎園方家湖

梅李湖 李成湖 陽港湖 南寧湖 陂口湖

彭湖 蔡家湖 老湖 張家湖 雁湖俱在縣

東北

黃岡蒲潭湖縣西

蒼湖 黃家湖 鯉魚湖 沙地湖 黃岡湖 燒

錢湖 楊湖 舒濟湖 金澥湖 石頭口俱縣西

南八十里

陸口縣西南赤壁之北今名陸溪口三國時吳以此為控制要地舊志魯肅自江陵下屯陸口肅卒呂蒙代之後呂岱又領潘璋士卒屯於此水經注陸水經

呂蒙城西又經蒲磯山北入大江謂之刀環口又謂之蒲磯口長港縣西南

落星池文廟內池中一石傳為落星

蒲圻縣

金疊山縣治

疊秀山縣治半里

豐財山縣東二里

靈應山縣東三里

點筆山縣東七里

規木山 幽蘭山有趺仙石上有掌痕俱縣東二十里

黃葛山縣東三十五里

石尖山縣東四十里有玉樞觀

石馬山縣南十五里

白石山縣南二十五里下有白石廟祀唐三顏公側有白石泉汲之輒雨

雲臺山 金紫山俱縣南三十里

吳城山縣南四十里孫權城其下

鳳凰臺縣西三里三峯秀出山半有泉有池有洞下有鳳凰寺

五洪山縣西十里五水合流有溫泉曰湯塘有寒泉曰冷塘

仙芝山 蒲首山俱縣西四十里為蒲圻首山明祭酒魏觀讀書處

瑞雲山縣西四十五里

小梅山縣西北五里

龍翔山縣北二里屏障河岸有窪樽石方平五六尺

許中一孔如甕可注酒上刻熙寧癸丑上巳等字

茗山縣北十里產茶

黃表山 竹山洞中有石傘石甕在山麓俱縣北三

十里

神山 芙蓉山峯巒秀麗如花俱縣北四十里

鳳隱山縣東北二十五里

龍蟠山縣東北四十里

石筆山縣東北六十里

長崙嶺縣西十五里

梅隱岡 金臺岡 雲盤岡

荆泉洞縣南十二里中有石田溝塍悉具居民視其燥濕以占凶穰自洞門深入別有門甚狹好事者裹糧而進出則在崇陽縣葛藤坪相距百餘里洞內有

六泉左曰荆泉名最著合流數里入於鐘潭

迓鼓洞豐財山下

行將洞縣北七里行將山

蒲圻湖即西梁湖以湖多蒲故吳置蒲圻縣

梅湖縣西南四十里

盤石湖縣西三十里

大羅湖縣西四十里

龍坑湖 活湖 馬蹄湖 滄湖俱縣西五十里

柳山湖縣西六十里

正湖縣西七十里

錦湖縣北七里

蒲圻河 新店河俱縣西四十里

石牛灘二四都

筒車灘十五都

荊港縣南十里

車埠港 泉港俱縣西十五里

龜坑港縣北八十里通大江

赤馬港縣東北一里

龍翔潭 平落潭大羅湖口

鏡潭上三都

馬蹄潭縣東四十里

白公潭縣西北二十五里

洗馬池荆港

湯泉縣南冬夏常沸

神山泉神山下湖中

咸寧縣

相山縣治東南數百步宋參知政事馮京讀書其上
舊有相山書院今廢

東高山縣東里許與相山並峙

龜山縣東四里其形如龜

浮山縣東八里一名湖山卓立塘中若浮上有太子
祠其神無攷歲旱禱雨輒應

輞山突起平陽圓聳如車輞一石宛若神駿上有祠
相傳元兵入境王華父子三人率鄉兵禦河界獲勝
一方得全土人德之因祠其上並名橋為賀勝

石門山石門天成行人往來其間俱縣東四十里
香鑪山縣東四十五里其陰有泉港寺

牛鼻山縣東八十里有潭四面青蘿綠竹

金鷄山縣東南五十里高數十丈峯頂有巨石上有
穴如碗可受二升四時清泉不涸飲之輒愈疾取水

若盡頃復如故鄉人建廟今爲寺

白望山縣東南六十里屹然獨立望極江夏白湖故名

鐘臺山縣東南百里寰宇記上有桃花洞李邕讀書其中石室石臺尚存

金燈山縣南一里晉善暉禪師住錫夜有光如燈至曉乃散山之陽爲金山寺後遷城內名資福寺遂以遺址爲山川壇古松兩株尚存

鷄子山縣南十里相傳有玉雞飲啄林磗一名玉雞林

潛山縣南二十里形如展旗上有壇舊傳葛洪煉丹處宋馮京築室山間讀書有潛山碑

五輪山上有腴田可種

銅鼓尖山雄峙峭立紅巾之亂土人避其上賊不能窺下有張口泉

禪臺山其形峭直上至三里許有地平坦僧寺在焉

傍有天泉四時不竭泉中有蒲草人動草則水縮僧以香茶滲之水復出俱縣南三十里

鳳凰山縣西三里以形似名

斧頭山縣北二十里

長嶺縣東二十五里發源官埠

實竹嶺縣東四十里

蓮荷嶺縣西南五十里崇陽分界

仙人墩縣西北三都

石龜洞黃茅山下洞門甚狹既入輒寬平有石盆石
牀又有石如龍首水自中吐入石盆禱雨輒應今名
石燕湖

白崖洞十二都深窅莫測旱禱有應

九龍洞縣南三十五里舊名寓仙懸岳峭壁既入洞
門甚高廣有龍王祠久廢洞旁有門門內深黑高低
莫辨東循而行二里許上有白石若幕滴乳凝成龍
蛇狀水涔涔出其口下有石盆盛之寒氣襲人雖六

月如冬正德間都御史吳廷舉賑濟湖南駐節在縣
因旱率官民詣洞爲文以告大雨如注仍命鑿石為
龍像祠之於此更今名

官墀湖縣東八里

紫潭湖縣北十里一名咸寧湖

黃塘湖縣東北三十里接江夏界

西河 官埠港俱縣東十里

赤土港縣東北十里

金蓮池學宮前

石燕泉縣東四十里

蘆花泉在白望山下昔有白衣男子告邑人祈雨者以縣之高槎泉可致仍指叢蘆為識即此

沸泉縣南十五里

廖家泉縣南四十里一名張口泉

飛沙洞泉縣西南四十里洞口有仰山廟龍王廟鄉

人旱禱輒應

沉泉縣西五十里源出蒲圻境入縣界數里下注大石竇中聲如萬鼓遂伏流不見

金雞井縣東南金雞山

黃荊巷井縣右百步

利民井驛前

崇陽縣

金城山縣東十五里宋黃庭堅讀書處名太史書院至今祠之

鏡面山縣東四十里

靈女山接通山境山頭有古城號女城不知所自

雨山一名乳山其泉如乳祈雨輒應五峯筍立綿亘無際俱縣東四十五里

銅鐘山縣南二十里相傳山頂寺鐘隨龍水流至江僧取至鐵佛寺款識大厯年鑄下有深潭善沒者云潭有銅鐺人從鐺耳出入

金櫃山縣南三十五里山有石洞高數十丈

拏牙山縣南四十里一名楂枒

黃龍山縣南九十里產竹木

白崖山縣西南四十里上有五龍靈應行宮天然石

竈引水入釜

龍泉山周二百里有洞遊者持炬而入行數十步
坦平如室可容千百衆有石渠流泉清冽號曰魯溪
巖產茶甚甘美

茱萸山唐存制禪師建金界寺以山多蛇虺種茱萸

辟之故名俱縣西南四十里

巖頭山縣西五十里廣輿記周百餘里北抵臨湘境
有二崖一曰羅漢崖極幽邃中有石臺可坐臥一曰
寶陀崖上圓下平如菴廬其外軒豁如大厦唐有禪
師居此

臺山縣西七十里山頂有卓錫龍霖二泉歲旱禱之
投楮於泉沉則雨

破岡山縣西北五里宋令張詠鑿山引水溉田至今

賴之

灌溪山縣西北十五里唐釋智閑道場有漚麻池劈箭橋

黃角山縣西北二十里

白泉山縣西北三十里張詠引水爲陂處

方山縣西北四十里跨蒲圻臨湘界頂有泉流若瀑布旱雲輒應

金山縣西北五十里

大集山縣北五里自通城龍窟山發脉歷方山大石嶺而來至此諸山叢聚故名

壺頭山形如罌壺山有溪水名桃花洞

葛仙山山有葛洪丹竈石隙出泉雩多應俱縣北二十五里

東泉山縣東北四十里有泉流入蒲圻溉田甚廣有龍崖龍洞

連河嶺縣東八十里

棠嶺縣南七里

桃源嶺縣西四十里

泉湖大丘嶺縣西七十里

龍頭巖縣東二十里有流泉石激之聲聞百步上有亭

仙師巖縣東三十里石屋邃廠東西洞戶嵌岩深窅有石牀旱禱於此

龍窟巖縣東四十里壁立如列屏上有洞梯棧而下

青山巖縣南二十三里下有龍潭潭上有石壁石門
石屋巖縣西南三十里

魯溪巖縣西南四十里巖間有詩漫漶剝落止存二
句云飯和鼠耳蒸來軟羹雜羊蹄味帶酸紹興中李
孝廉避寇於此作也

許仙巖縣西北二十里相傳許遜逐蛟過此有插劍
池石上有許仙巖三大字天門道院在其上
羅漢巖縣西北四十里

田東洞縣東三十里

白羊洞縣東四十里

虎巖洞縣西十里

龍潭洞縣西八十里

戴家湖縣西八里

肥田湖 長湖俱縣西二十五里

高規河縣南五十里

太原河縣南七十里

白泉河 龍坊河俱縣西三十里

城下河縣西五十里

鐵東河縣西八十里

荻洲河縣西北十五里

許仙巖河縣西北二十里

柘亭河縣北二十里

雋水源出通城本漢下雋地故名

塢前灘縣西百步

六石灘距縣四十里

白馬灘縣西八十里

小港縣東五里

白石港縣東十五里

新安港縣東二十里

鯉港縣東三十里

深渡港縣東三十五里

東港 黃沙港俱縣東南六十里

吳城港縣西南十里

梓木港縣西南三十五里

崇陽港縣北三十里

龍潭縣西三十五里

石牛潭縣西北七十里

白雲潭縣北十五里

河田潭縣北二十五里

芙蓉池西城內甘棠橋下

白龍池縣西二里西禪寺前

挿劍池縣西三十里許仙崖

分水泉縣東四十里

石屋泉縣東有石如屋

白崖泉縣南三十里霄有應

雞籠泉縣南四十里

湯泉縣北十里方數丈水沸如湯

柘亭泉縣北二十五里

段馬泉浪口下二里

南宮井縣前百步

揉藍井官塘橋西北

葛洪井縣北二十里葛洪煉丹處

通城縣

錦山 寶蓋山俱縣東五里

茹山縣東十里

湯管山縣東二十五里

昭靈山縣東四十里

蜜巖山縣東南二十里蜂多釀蜜巖下嘉靖初山頂
夜忽有光土人因祠普菴禪師

大盤山縣東南四十里有盤旋之勢上有塢

幕阜山縣東南五十里廣輿記周迴五百餘里水四出
東南入湘西入洞庭北入雋吳太史慈為建昌都尉
拒劉表從子盤於此置營幕因名

九峯山縣南一里山有九峯縣之來脉也

南山當縣門

錫山縣南三里舊云產錫今無下有靈泉歲旱禱之輒應

華山縣南十里

壽隆山縣南十三里

黃鶴山縣南二十里頂列三大峯舊傳葛仙翁跨黃鶴憩此

相師山縣南三十里舊傳黃石公隱此後為漢相張

良之師故名

梧桐山縣西南十五里山多梧桐

遙廣山縣西十里

鼓鳴山縣西十五里產青礞石

虎巖山縣西三十里

白雲山縣西四十里

大龍山縣西北二十里

鐵束山縣北十里

龍窖山縣北三十里有巨壑雲氣常聚

斗牛山縣東北二十里上舊有古寺

雲蓋山時有雲氣如蓋

萬峯山縣東北二十五里

走馬嶺縣東南二十五里昔廖忠走馬於此

九嶺縣南二十五里

大岐嶺縣北三十五里

石門洞縣東四十里

蘘荷洞縣東五十里

桃源洞縣東南十里四時流水潺潺又春月桃花灼灼故名

雲溪洞縣東南三十五里

錫山洞縣南十里

龍潭洞縣南十五里

東源洞縣西二十里

陸水即雋水自巴陵歷通崇經蒲漚吳口吳呂岱嘗

屯兵於此出一統志

秀水縣南五十步源自龍潭流經朝宗橋過縣西北
與雋水合

龍灣口縣東北十五里

老龍潭縣南三十五里龍潛其中每旱禱輒應

百丈潭縣西南三十五里每陰雨潭有聲如鐘鳴歲
旱可禱

石壁潭縣北七里

義井縣東二十五里晉吳述道七世同居共飲此水故名

甘泉井甘泉坊下

興國州

大坡山潛確類書旁有石樓拔出霄漢里人於此造茶名曰坡山鳳髓蘇軾謫黃州過此有埽壁歌刻於石

雞籠山世傳伍子胥屯兵處俱州東五十里

鍾城山州東南十里相傳晉鍾離嘉飛昇之處

黃嶺山州東南三十七里

印山漳湖之中形如印浮水面圓正清碧武昌圖經

陽新縣月山高二十丈有石髣髴如印云

靈仙山俱州南十里上有靈仙觀宋光宗書額

漂泉山州南十三里

顏子山州南三十里竦立文廟前宋道士雷時中居

之山有三峯相連狀如筆架景甚清雅

桃花尖山州南五十里上有泉水甚甘潔里人以造
茶味勝他方名其茶曰桃花絕品

鍾山州南八十里有墨池世傳鍾繇洗筆池水盡
黑宋韓克佐有詩

鑑閭山州南九十里郡縣志世傳伍子胥屯兵處有
鑑閭城

天柱山 雪巖山 赤溪山俱州南百里

太平山州南百九十里與九宮山相連宋道士章自

然仙蛻於此山景二十有二侍講揭萬石每景賦一絕句

白巖山州西南二十五里有白巖洞

烏巖山州西南百二十里

菁山州西南百八十里山有蕪菁武昌記昔有婦人其夫出征至此望之死化為石雙履之跡猶存

黃土山州西南二百里南抵武寧東連九江西與通山接境

龍蟠山文廟後蜿蜒起伏至州而止一為州治後山
一為州學後山勢若盤龍三面皆水

白閬山州西四十里

百福山州西五十里又名石榴山四面險絕元末人
多避亂於此

小箕山州西七十里

大箕山州西八十里

石鼓山州西八十五里山有石鼓鳴則雨

龍角山州西九十里上有七峯兩峯相對初名龍耳
後改龍角

大墓山州西百一十里廣輿記世傳唐李靖母墓在
其上有讀禮堂及墨池上有三十六峯峯下靈泉禱
雨輒應

天尊山州西北二十里山至高周四十餘里

大銀山州北十五里

犀牛山州北二十里上有石臺平如掌稱仙姑臺傳

有仙姑經此而化犀牛遺跡道側猶存

大了山 小丫山俱州北五十里

赤馬山州北六十里崖石皆赤狀如馬

五龍山州北八十里隋地理志永興有山名五龍謂其狀也

三角山州北九十里天欲雨山有聲如吹角然

馬鞍巖州南二十七里

柳峯巖州南三十里元末黃普祿率衆避兵處

太平巖州南元末楊普雄據此以拒敵

得勝巖州南三十里

風火巖州南百二十里

鳳棲巖州西百里地名新陽門高四丈濶二丈五尺
內有石寶蓋石龍石鼓石鐘雪山白石如雪

鳳山洞州東百八十里

荆橋洞 石屋洞俱州南五十里

南巖洞州西百六十里

甌甌洞北郭外蓮花池上壘石爲之邑人吳國倫著
書處

歐家湖 石灰湖 海口湖俱州東

明湖州東三十里

網湖州東四十里

濁子湖州東南十里

西湖州東南十五里

戎湖州東南三十里

舒婆湖州東南十五里

富池湖州南

肘湖州西南十五里

門枋湖州西南二十里

常湖 東灣湖 西灣湖俱州東十里

長河洙湖州西十餘里

淖源湖州西北七十里

富水湖 渾湖以色渾得名

茅田湖州西南八十里

山溪河州西八十里

妙子洲州東三十里

龍港州西南七十里

慈口港州西百里

雞口港州西北三十五里

墨池州南鍾山上鍾繇洗筆處

玉泉蘇軾有記

富池源出故永興縣至富池口入江州故多水然皆
匯於長河而洩於富池

雙泉州東南六十里

西湖泉州南三十里有宋封惠澤龍王祠雩應

龍泉州西六十里

石潭泉側有宋封金谷龍王廟

玉山泉雩應州西八十里

三潮泉州西北四十里

逆龍泉州西北八十里

西潭泉州北六十里

大冶縣

章山縣東二十五里宋元嘉十三年武昌縣章山出神鼎江州刺史南譙王義宣以獻

吉祥山縣東四十里齊永明僧道凝有記獨異記隋文帝建吉祥寺居武昌下三十里疑即此山

瑤山磁湖上垂石懸江昔蘇轍阻風於此有寄兄子

瞻詩

磁湖山俱縣南五十里

西塞山一名道士洑高一百六十丈周三十七里土俗編吳楚舊境也括地志孫策攻黃祖周瑜破曹操劉裕攻桓玄唐曹王臯復淮西皆於此江夏風俗記延連江側東望偏高謂之西塞山對黃石九磯兩山之間如關塞也圖經峻嶒橫江危峯對岸長江所以東注高浪為之飛翻唐張志和漁父詞西塞山前白

鷺飛桃花流水鰕魚肥又宋張耒詩已逢斌媚散花
峽不怕危亡道士磯

回山俱縣東九十里元結讀書處

鹿角山縣南七里

天臺山縣西南三十里羣峯涌疊勢若陣雲

書堂山縣西南四十里

果城山縣西南五十里四山圍裹如城

慈雲山縣西一里

靈峯山縣西二十里其峯尖峭四面望之如一一曰
曼倩山

鶴泊山 靈應山俱縣西三十里

梅山縣西四十里三峯秀麗最多梅樹

茗山縣西五十里有二峯是為大茗小茗絕巘挿天
清泉澄澈最宜淪茗

沼山縣西北七十里中峯聳拔崖下有沼可鑑

將軍嶺山縣北半里以宋謝千牛將軍宅廟得名

牛馬隘山縣北二十里

東方山邑主山也氣勢磅礴中多藥草實為武昌東界故曰東方俗傳東方朔隱處

長樂山縣北三十里

鐵山縣北四十里連起數十峯有石洞每陰雨龍出入以洞口草偃仰為驗旱取洞中水禱輒應

白雉山縣北六十里高百餘丈周迴五十餘里峯巒絡繹其最高者曰芙蓉峯前為獅子嶺後為金雞石

相傳曾有白雉之祥

黃荆山縣東北四十里上產仙人韭

神遊洞縣東三十里宋建炎中有夜聞吹笛者往視之見一道人危坐劃然長嘯凌空而去

琦玗洞一名飛雲洞縣東九十里在西塞回山上洞有三上出雲中出風下出水嵌巖面江幽邃幻怪絕頂異泉流注飛瀑百丈下三石巖竒怪尤絕唐元結避亂於此

大泉洞縣西南三十里有二洞東西相對中有石出
三十六區石砂如稻顆有臥仙石石鐘石鼓叩之則
鳴西洞更陰慘寒氣逼人曾有樵者見龍鱗於洞口
妙子洞縣西三十里俗云東方朔之子隱處

磁湖縣東四十里

河涇凌家灣湖 華家湖俱縣東北

金湖縣東三十里

新生洲縣東三十里

散花洲西塞山前相傳周瑜既破曹操吳王駐此釀
酒散花以勞軍士

牯牛洲縣東九十里漳源口江上俗傳妖蛟化牛至
此登岸

金水潭縣東五里

龍王潭縣西南四十里

虎塘池縣東九十里相傳虎碾成池

放生池縣西半里

白蓮池東方山下僧智邱所鑿以種白蓮畜文魚今
久涸

異泉在回山上滑滑涌出不知所自内有古鐵牌旱
禱者深入求之得風牌則風得雨牌則雨

大泉小泉縣南十里二泉相連可雩

天臺山泉天臺山下

龍窟洞泉縣西南三十里四時不竭可灌田三頃

百丈巖泉縣南五十里可灌田五十餘畝

北泉縣西三十里

核桃泉茗山

蓮花泉井縣西南五十里

東方井東方山深丈餘不溢不涸

五泉井縣北六十里

普濟井普濟寺

隆濟石井啟石里雩應

通山縣

石航山縣東二里許山勢自下流綿亘數十里而上
壁立水口

沉水山縣東三十里上有大龍潭號仰天湖張道清
始修於此後住九宮又四里有仙人巖懸石若鐘鼓
扣之有聲舊志唐李靖騎龍行雨曾入此巖中

石壓山縣東五十里

石梯山縣南五里

大城山高峻環結上有四石門若城郭然中平衍寬

廣數十畝有張平子宅遺址

張公山俱縣南六十里

九宮山縣南九十里昔晉安王兄弟九人居此造九
宮殿一云伏虎禪師道場其山自下而上高峯九層
故名又云山應南嶽長沙九江廬山九十九峯之數
又有九宮觀崇奉九真以應九宮之名未知孰是宋
張道清來住此山建欽天瑞慶宮於上宋謝枋得元
虞集俱有詩

翠屏山縣西南半里蒼翠如屏

白鶴山縣西一里許與東石航對崔嵬秀異其形象鶴故云

白羊山縣西三十里世傳東晉永昌中有三人乘白羊入此山故名至今每有白羊見於山上則雲雨興羅阜山縣北突出羣山之表

朦朧山縣東南二十里適江西必由之路

新開嶺縣北四里宣德間鑿為適興國必由之路

噴雪巖縣東南八十里

會仙巖縣南二十五里岩內通明如屋可容遊宴懸石若鐘鼓扣之有聲

觀音巖縣西南二十里宋紹興間居民萬俊見山上雲盤異常跡之得一洞窈然而入中有石磬石榻石盞石果石像侍郎朱廷立記

大賢洞縣西南三十里介於泉臺翠壁間

石牛潭縣東三里有石如牛開其頤世傳南唐洪都

廩米常耗占者云石牛所啖當在武昌之南因索得之鑿其頤米不復耗水潄懸崖怪石嶒峻若肺肝狀侍郎朱廷立鐫銅肝鐵膽四字於石上

漢陽府

漢陽縣

鳳棲山府治後宋知軍劉辟疆記古有鳳凰集於此山之林故名

文寺山縣西南三十里下臨沌水斜對龜山

小軍山縣西南四十五里

大潭山 煙樓山俱縣西南五十里

尉武山世傳唐太宗遣尉遲恭與朱粲戰於此故名
大軍山俱縣西南六十里水經江水東逕大軍山南
注曰山東有山屯夏浦江水左迤江中有石浮出謂
之節度石右則塗水注之舊志吳魏相持陳軍大小
兩山之間故云故老相傳元時風雨之際聞金鼓聲
山高百餘丈與九真龍霓大別頡頏稱巨觀焉

千子山縣西南七十里

百人山縣西南八十里下即大江水經江水北逕百人山南注昔周瑜與黃蓋詐魏武大軍所起處

九真山縣西南九十里昔有九仙女煉丹於此唐咸通間賜名仙潛山輿地紀勝即五藏山上有煉丹壇九真廟又有九泉水甚清澈爲全郡祖山

龍霓山兩山竝峙雲起則雨故名

香鑪山以形似名元世祖南征嘗駐此 俱縣西南

九十里

梅山縣西三里其山多梅今無

女郎山縣西二十里

湯家山在衆湖中山環水聚雲起則雨中有簸箕洞
漢南山漢水之南三峯竝峙又名三山景

摩旗山俱縣西二十里

漢陰山縣西四十里以漢陰丈人得名又名馬鞍山
臨嶂山縣西六十里今城頭山下臨漢水水經注沔

水又東逕林嶂故城北晉建興二年太尉陶侃爲荊州鎮此舊志晉江夏郡沌陽安陸縣宋德安府皆治此

烏梅山縣西六十五里

嵩陽山縣西百里

土繭山縣西百二十里

吳家山 空山 馬頭灘山 香城山俱縣西北三十里

栢泉山 廣王山俱縣西北四十里

玉笋山縣西北六十里輿地紀勝其山有白石參差如筍故名

胡蓋山縣北二十里山形似蓋南臨漢水西帶大湖大別山縣東北半里禹貢嶠冢蕩漾東流為漢內方至於大別蔡氏注云左傳吳與楚戰濟漢而陣自小別至於大別今漢陽軍漢陽縣北大別是也元和志魯山一名大別山在漢陽縣東北一百步其山前枕

蜀江北帶漢水上有吳將魯肅神祠故一名魯山又名翼際水經江水又東逕魯山南注曰古翼際山也山上有吳太守陸渙所治城山南即沔口舊志吳置魯山縣梁武築漢口城以守魯山東昏侯云吾自圍魯山以攻沔皆相此

頓家嶺縣西南二里地勢高聳樹本陰森世傳有頓姓者家此

分金嶺縣西百一十里

烏林峯臨嶂山南

梅巖鳳棲山南石壁上有梅巖二字

桃花洞魯山前有桃花夫人廟即息夫人

藏馬洞大別山陰一名關王洞相傳關忠義嘗憩此

石上有馬槽

洗馬洞吳王磯側相傳關忠義洗馬於此

菖蒲洞九真山下產菖蒲一寸九節

梅子洞分金嶺下

磨刀石大別山關帝廟前

飛昇石九真山下舊傳九仙女於此飛昇

卓錫石嵩陽山卓錫泉側世傳駱禪師卓錫於此

大江縣東南城外上接蜀川瀟湘洞庭諸水合流東
南入本府界一百十里轉烟波灣四十里入黃州府
界

漢縣北五里禹貢嶠冢漢漾東流爲漢是也

郎官湖縣治南與縣學泮池相竝今淤唐孚白有汎

郎官湖詩竝序見藝文

月湖大別山陰東以長隄限江西通洪水古有卻月城在沔口左湖或以此得名

刀環湖縣西南三十里寰宇記湖形彎曲如刀環

太子湖縣西十五里相傳梁昭明太子食采於此

太白湖在九真山南一名白湖周二百餘里舊傳太

白遊泛於此春水漲與新灘馬飲蒲潭皆合冬涸始

分

沔水水經注沔水出武都沮縣東狼谷按明一統志
城西南三十里源出襄水南入大江與漢水合流三
國志以前書傳多稱漢不言沔三國志以後多稱沔
不言漢先儒皆疑漢沔為一然今二水源流不同惟
書疏引應劭云沔水下尾與漢合乃入江為得其實
今據漢陽郡縣志城西南三十里止有沔水入江竝
無所為沔水入江疑漢沔止一水耳

沔水沔音撰縣西南三十里漢水別出三汊匯太白

湖至於沌口南入於江今名其地曰沌口晉郭舒畱
沌口稅湖澤以自結周文悉衆禦之史炤曰江夏安
陸有沌水其地曰沌口水經注沌水上承陽縣之白
湖東南流爲沌水逕陽縣南注於江謂之沌口有陽
都尉焉按白湖即太白湖陽字上疑有缺文宜曰沔
陽也逕陽縣南及陽都尉上疑應有沌字晉沌陽縣
或在此

澚水其水自黃陂入漢陽界與淪索二水合流南入

大江舊有潯陽廢縣

栢水俱縣北四十里栢泉寺前

劉公洲縣南大江中宋延祐八年有沙洲涌出知軍
事劉誼種荻其上令民採用民感之遂以名洲舊志
洲自三里坡直抵南紀門蘆葦茂盛嘉靖後漸沒近
水退屢見

漢口在大別山陰即漢水與涓水合流入江處
洗馬口縣東二里臨大江相傳關忠義洗馬處

沔口縣西南三十里今名沌口劉澄之山水記沔口

古滄浪水世傳屈原遇漁父處

涓口縣西北百里涓水入漢處舊志其源出陪尾經
德安孝感至此名涓口晉陶侃爲杜曾所敗將奔涓
口即此通典安陸縣有涓水亦名涓口唐人有詩曰
暮雨不知涓口處是也水經注涓水又南分爲二水
東通澠水西入於沔謂之涓口

張王磯南紀門外上有張巡廟又曰祀張東之未知

孰是

吳王磯縣東北一里一名禹功磯吳魏相持時皆以
沔口爲重鎮吳守此以爲險要故名磯

煙波灣縣東北三十里舊志云其水清澈晴則嵐煙
起風則水波生旁有煙波里唐詩煙波江上使人愁
永濟港縣南二十里南入大江

直陽港縣西四十五里與沌水合流

鳳凰池即府學泮池明嘉靖七年知府孔鳳翬砌

放生池一在興國寺前一在寺東大別山下唐乾元
初肅宗詔九州縣臨江帶郭皆置放生池今兩地相
對呼為蓮花池

栢泉山川紀異栢泉寺有古井世傳大禹植栢於大
別山其根盤曲至井底今栢根尚存

卓錫泉縣西九十里唐僧駱禪師卓錫於此

義井鳳山門內宋人鑿

煉丹井九真山下

漢川縣

史家山縣東十三里

雙山縣東二十里

高觀山縣東南三十里梅城鄉其山高聳可觀景物
仙師山縣東南三十五里

馬城山縣東南四十里

小別山縣南十里寰輿記山形如甌諺名甌山左傳
定公四年吳人伐楚令尹子常濟漢而陣自小別至

於大別即此江左之際亦爲兵區後周時縣治建此
屬竟陵

擔山縣南十五里

陽臺山隋志甌山縣有陽臺山一名仙女山

漢山縣南四十里唐武德四年置漢川縣於此

鳳凰山 石鏡山俱縣南四十里

龍門山縣南六十里山麓一洞有龍潭禱雨汲水輒
應

姚公山縣西南二里

內方山縣西五十里舊志云禹貢導嶓冢至於荆山
內方至於大別即此按漢志章山在竟陵東北即禹
貢之內方蔡沉書註內方在竟陵縣東北荊州志又
有內方山在州東內方之名不一而漢志與禹貢蔡
氏註同宜從之

石龍岡縣南五十里

白潭岡縣北四十里

龍耳岡縣北九十里

裘羊岡縣東北三十五里

蟠龍石縣南五十里狀如龍蟠

女郎石縣西二里仙女山上

漢自天門入境繞縣治東流入漢陽縣界

橫湖縣東五里

許家湖縣東二十里

段庄湖縣南三十里

白石湖縣南三十五里

卻月湖縣南七十里

大松湖縣北十八里

野猪湖 沔汭湖 五湖俱縣西四十里

清水湖縣西北六十里

小松湖縣北二十里

瓜子湖縣北三十里

安漢湖縣東北二十里

赤河 舞龍河俱縣西北二十里

包河縣西北五十里

算河縣北三十里源出隨州經孝感縣出柘樹口與
湏水合

安河縣東北三十里源出隨州經孝感縣界合於湏
白水縣東北七十里源出縣西北界流入漢水左傳
楚王奔隨將涉成臼即此水

湏水水經湏水出蔡陽縣東南逕隋縣又南過江夏

安陸西又東南入於夏

麻埠港縣東南五里其源即漢水支流下復與漢水

合

鷄鳴汭縣西北二十里元末徐壽輝為亂威順王寬
徹普化鎮武昌命其子接待奴佛家奴以大船四十
餘隻攻壽輝將倪文俊且載妃妾以行至此水淺船
擱不得行文俊以火筏盡焚其船即此

黃龍潭縣東二十里

小里潭縣西南百里漢水所注

養魚池縣東南二十里

白龍泉高觀山下相傳有龍蜿蜒其下故名

黃陂縣

魯臺山縣東一里二程讀書處常登此山眺望東魯
甘露山縣東十五里峯巒疊出林木蓊然相傳陳武
帝時有甘露降

太陽山縣東三十里峯高地回日出照耀

礪山縣西北八十里

大悟山縣西北百二十里洪山祖師悟悟道處

伏馬山縣北三十里

木蘭山縣北七十里有木蘭將軍冢將軍地黃石巖
洞

試刀山相傳漢關忠義試刀處

柏葉山俱縣北八十里

金鼓山縣北百里丹崖壁立秀拔雲表惟有禽鳥可

棲

嵯峨山縣北百二十里山勢秀麗有花崖洞

響山山巔人躡之輒作響聲

白龍山俱縣東北三十里

大陂山縣東北三十三里下有大陂溉田百畝

黃石崖洞木蘭山

仙人洞礪山

試劍石世傳老君試劍處

鴨兒湖縣南十里

武湖縣南二十五里相傳江夏太守黃祖習戰處宋謝晦走武湖即此

石子湖縣南三十里

洋漫湖縣西南五里

後湖縣西南四十里

舊鎮界河縣西六十里發源德安府南出與藤子港

合

龍驤水縣南七十里相傳晉龍驤將軍王濬屯兵處
魯臺潭魯臺山下

團潭縣西南五里

鐵鎖潭縣西一里

石門潭縣北三十里

大城潭縣北八十里

放生池縣城下連鐵鎖潭

聰明池縣西南一里瀉河南岸二程讀書堂處

木蘭井縣西

孝感縣

鳳凰山一名乳鳳岡四面皆水晉永和四年鳳產九子於東岡方輿勝覽岡在孝感縣東南四十里今名鳳凰臺

金牛山縣東四十里一名金壁山

三山縣西北百四十里三峯鼎峙故名

牛跡山縣北四十里山有石牛跡

遊風山縣北五十里

馬家山 陡山俱縣北六十里

教子山縣北七十里一名教子山旁有九子墩松林岡

磨山縣北九十里楚蒙穀不受爵祿自棄於磨山中磨城子胥所築以此名城

牙山縣北百三十里

大山縣北百七十里

牛頭山縣北二百里旁有清風山蓋頂山

五峯山縣北二百二十里五峯竝峙旁有黃巖山

龍泉山縣北二百三十里

風山 雨山俗云旱禱即雨俱縣東北八十里

九巖山縣東北八十里一作九宗上有寶陀羅漢諸
峯層巒疊嶂林壑幽深不減長安之九巖舊圖經五
代王鐵槍居此宋范雍詩山奇號九巖名與雍州同
大悟山縣東北百二十里一名上界山上有平壤可

田高二百餘丈周四十里一統志云靈濟道場

雙峯山縣東北九十里高三百餘丈有瀑布水

石人山縣東北百二十里即白雲山元平章察罕隱居於此

望府山縣東北百二十里下有仙姑洞洞前橋一株高數丈大數圍不知何代物洞門高七尺許相傳有二人秉燭入行約二十餘里忽見天日溪水橫抱有斷石橋水深不得渡隔溪茅屋駢列花木繁盛溪邊

一女汲水遙語二人曰此非塵世也渡此不得返矣
二人遂歸

黃草山在雙峯東

朝陽山在雙峯黃草之際

小悟山 金馬山 界山 大觀山 小觀山 石

壁山 磨刀山 風洞山 青山 觀音山 四方

山俱邑東北百里外

黃雲山在大山北雲色多黃與諸山異

七屏山在了心菴前

五岳山距邑百八十里旁有粟穀山大魁山小魁山

磊山兔城山光城山

離城山距邑百八十里有馬踏石

兜鑿山在邑西二百里外申陽之水逕焉

鶴山在三山西

望湖山近蒲湖

白楊嶺 黃茅嶺俱縣北

童子巖縣南十里按邑治有桐子巖在小悟山

三巖明一統志九嶷山王鐵槍所居上有八境寶陀
羅漢三巖

殷家巖縣北

觀音巖縣東北百三十里又有黃龍獅子老虎豹子
寶陀羅漢八境諸巖

白陂湖縣東

董家湖縣東五里又東為天門陂相傳織女昇天處

羊馬湖縣東南二十里

注泉湖縣西

朱思湖縣西

七里湖縣西十里

後湖縣西北隅溉田甚溥

白水湖縣西北三十五里

黃臺湖距邑百里其初臺也相傳黃臺寺厨中有笋

出地老僧令其徒以冷水澆之徒恚一日老僧方濯

足脫鞋犬銜鞋去老僧起逐犬其徒以熱湯灌笋厨
中龍起寺陷爲湖而老僧獨免至今湖岸尚有半臺
存焉

蒲湖在邑東四十里俗名野瀦湖縱三十餘里橫十
餘里

龍坑湖在板橋坂

淮水出縣境東北諸山於龍王砦會青山口諸水下
晏家河

馬溪河縣東南五十里

潯河縣北五十里源出河南信陽州逕應山鷄頭山
至天磨河入境縣北二百五十里經新店會清風澗
水為雙河口為太公潭縣北一百六十里為小河溪
縣北一百二十里至兩河口為晏家河縣北九十里
為潯河鎮縣北五十里一支會白沙河合西河而東
入漢一支會白龍潭水又會入埠口水入漢一支會
馬溪河澹川陡山蒲湖水至黃陂五通口入江按潯

河三支其二入漢其一則縣河也堯治南迤邐而東
十里爲龍宮潭又東有相見灣曰流不通邑治以此
卜盛衰循舊則吉衝決則凶董家湖羊馬湖諸水前
後注之經竹子港過北涇嘴始會馬溪諸水而入漢
之水亦至此而會蓋潏河有二支入潏非入漢也入
潏之後至潏口始分流入漢而其全勢仍逆走西北
經北涇嘴南與縣河合故潏之支流始入於潏而潏
終入潏且漢在潏南潏在潏北謂潏徑入漢誤矣

西河小河上通潞河入漢

淪河即鄖水支流逕雲夢入卑口

灌河源出白兆山達雲夢入潁

三汭埠東河源出橫陂坳西河出石堰頭下滙川河

孫家河栗樹埠至三汭埠南與東河合流於蒲湖

白沙河潞河之南流者

界河黃陂孝感之界水也

陳家河出磨刀山

北涇嘴河上承湏水澗水下會馬溪諸水

兩河口在晏家河上

小河溪在治北百二十里

哭竹港在白雲鄉相傳孟宗哭竹處

鳳凰港縣東五十里源出丁家砦南繞鳳凰臺


龍宮潭縣東十里下有隄名流不通

太公潭縣北二百里石臺上有跡

磨陂泉縣東北八十里

老龍泉縣青山

五眼井縣南



湖廣通志卷七